



ADMINISTRACIÓN LOCAL

MUNICIPAL

A CORUÑA

Persoal

Anuncio modificación das bases específicas da convocatoria para a cobertura de 2 prazas de socorrista (agrupacións profesionais), C.E. 13/22

ANUNCIO

Por Resolución do Concelleiro delegado de Economía, Facenda e Réxime Interior, por delegación da Xunta de Goberno Local, de data 2 de maio de 2023, resolveuse o seguinte:

Primeiro.- Modificar a redacción do segundo exercicio da oposición establecido na base específica 5.1 da convocatoria aprobada mediante resolución do concelleiro delegado de economía, facenda e réxime interior do 23/02/2023 (BOP núm. 41 do 01/03/2023), para a cobertura, pola quenda libre, de 2 prazas de socorrista (agrupacións profesionais) da escala de administración especial, incluídas na OEP do ano 2021 e 2022 (C.E. 13/22), nos seguintes termos:

“Segundo exercicio: Consistirá en resolver un suposto práctico, dividido en dúas partes, relacionado coas funcións e tarefas propias da praza obxecto desta convocatoria, sendo necesario superar as dúas partes do suposto práctico para superar o exercicio. Este suposto práctico consistirá nunha proba de natación de 100 metros combinada con RCP nos seguintes termos:

a) Posición de partida: saída libre en pé desde fóra do vaso da piscina na zona determinada polo tribunal. Tras o sinal, a persoa aspirante entrará na auga, realizará 50 metros: nado a crol, mergullarase e efectuará 15 metros de mergullo, ata chegar ao boneco para saír con el remolcándoo 35 metros, sen que a auga pase por encima da súa cara.

– Normas de execución da proba:

1.^a Entrada libre ao vaso da piscina desde o bordo da mesma. Nado a crol.

2.^a Permítese descansar e apoiarse no bordo da piscina no momento previo ao mergullo e tras a realización do nado a crol.

3.^a A cabeza do boneco debe permanecer sempre fora da auga. En caso de mergullarse, quedará eliminado da proba.

4.^a Non se permite tocar nin impulsarse con calquera parte do corpo no lateral do vaso de piscina nin no seu fondo durante o nado a crol, mergullo e arrastre (sí se permite o emerxer co boneco e realizar os xiros de nado e arrastre).

5.^a Tipos de arrastre permitidos (sempre coa cabeza do boneco fora da auga):

- Unha man: unha man na caluga do boneco; unha man cruzada polo peito á axila do boneco desde a súa clavícula contraria.
- Dúas mans: unha man na caluga e outra no queixo ou maxilar do boneco; unha man na caluga e outra na fronte do boneco; mans ás axilas do boneco.

No arrastre do boneco non está permitido o seu agarre pola zona lateral e anterior do pescozo, só da parte posterior ou caluga. Igualmente, non se permite o uso de reloxos, cronómetros, móbiles ou calquera aparello electrónico no momento de espera á realización da proba.

6.^a Tempo realizado na proba acuática: O tempo máximo para a realización desta proba de natación será de tres minutos. Serán eliminadas da proba práctica aquelas persoas aspirantes que realicen a proba nun tempo superior a 3 minutos.

Esta parte do suposto práctico será puntuada cun máximo 30 puntos, segundo o seguinte baremo:

- De 1 minuto 40 segundos a 1 minuto 50 segundos: 30 puntos.
- De 1 minuto 51 segundos a 2 minutos: 24 puntos.
- De 2 minutos 1 segundo a 2 minutos 10 segundos: 18 puntos.
- De 2 minutos 11 segundos a 2 minutos 20 segundos: 15 puntos.
- De 2 minutos 21 segundos a 2 minutos 30 segundos: 12 puntos.
- De 2 minutos 31 segundos a 2 minutos 40 segundos: 9 puntos.
- De 2 minutos 41 segundos a 2 minutos 50 segundos: 6 puntos.

- De 2 minutos 51 segundos a 3 minutos: 3 puntos.
- Máis de 3 minutos: non apto.

Serán considerados non aptos e serán eliminados do proceso selectivo, aquelas persoas aspirantes que realicen a proba incorrectamente atendendo ás seguintes consideracións:

1. Afundir baixo a auga o boneco durante a proba.
2. Realizar a proba cunha técnica incorrecta de arrastre.
3. Saír a respirar na zona de mergullo.
4. Realizar a proba nun tempo superior a tres minutos.

b) *Soporte Vital Básico: consistirá en realizar un simulacro co boneco rescatado de RCP básico, incluíndo o uso do desfibrilador (DESA).*

Nesta parte do exercicio a persoa aspirante deberá realizar de forma completa e correcta un soporte vital básico, segundo as recomendacións vixentes do EUROPEAN RESUSCITATION COUNCIL (ERC), tanto na forma como na secuencia e ritmo combinado. Esta parte non estará sometida a control de tempo senón á calidade e corrección na práctica do soporte vital básico segundo as recomendacións indicadas anteriormente.

Esta última parte, de soporte vital básico, será cualificada de 0 a 30 puntos, sendo necesario para superala obter un mínimo de 15 puntos. As persoas aspirantes que non acaden esta puntuación mínima serán eliminados. O tribunal determinará o nivel de coñecementos esixidos para acadar a devandita puntuación mínima de acordo cos criterios sinalados no parágrafo anterior.

As persoas interesadas poderán presentar alegacións a este exercicio no prazo de 5 días hábiles contados desde o día seguinte a publicación da súa puntuación."

Segundo.- Publicar a devandita modificación no BOP

Terceiro.- De acordo co previsto na Lei 39/2015, do 1 de outubro, do Procedemento Administrativo Común das Administracións Públicas, e na Lei 29/1998, do 13 de xullo, reguladora da Xurisdición Contencioso-Administrativa, contra a presente resolución, que pon fin á vía administrativa, poderá interpoñerse, con carácter potestativo, un recurso de reposición no prazo dun mes ante o mesmo órgano que a ditou ou un recurso contencioso-administrativo no prazo de dous meses ante o órgano competente da xurisdición contencioso-administrativa contados a partir do día seguinte ao da publicación da disposición impugnada ou ao da notificación ou publicación do acto que poña fin á vía administrativa. No caso de interpoñer un recurso de reposición, non se poderá interpoñer un recurso contencioso-administrativo ata que aquel sexa resolto expresamente ou se produza a súa desestimación presunta.

A Coruña, 2 de maio de 2023.

A XUNTA DE GOBERNO LOCAL, RD. (03/07/2019)

Manuel Ángel Jove Losada

Director de Economía, Facenda e Réxime Interior

2023/3448